

Cumün da Val Müstair



Ledscha d'ustaria

2009

Cuntgnü

I. In general 3

- Art. 1 Chomp d'applicaziun 3
Art. 2 Cumpetenzza da survaglianza e d'execuziun 3

II. Permiss 3

- Art. 3 Dumonda da permiss 3
Art. 4 Concessiun d'ün permiss 3
Art. 5 Permiss special per ün müdamaint da la gestiun 4
Art. 6 Permiss pel commerzi in detagl cun auas destilladas 4

III. Uras d'avertüra 4

- Art. 7 Uras d'avertüra per gestiuns singulas 4
Art. 8 Prolungaziun da l'ura d'avertüra 4
Art. 9 Limita da toleranza per l'ura d'avertüra 4

IV. Taxas 5

- Art. 10 Taxas da permiss 5
Art. 11 Taxas per otras funcziuns officialas 5

V. Disposiziuns executivas e finalas 5

- Art. 12 Disposiziun da multa 5
Art. 13 Multa disciplinara 5
Art. 14 Dret da recuors 5
Art. 15 Disposiziuns transitorias 6
Art. 16 Entrada in vigur 6

Ledscha d'ustaria dal cumün da Val Müstair

In basa a l'art. 26 da la ledscha d'ustaria dal chantun Grischun dals 07-06-1998 relascha il cumün da Val Müstair cun decisiun a l'urna dals 20-12-2009 la seguainta ledscha d'ustaria.

I. DISPOSIZIUNS GENERALAS

Art. 1 Chomp d'applicaziun, basa legala

Quista ledscha regla las activitats d'ustarias sül territori dal cumün politic da Val Müstair.

Ella vala sco disposiziun executiva pro la ledscha d'ustaria pel chantun Grischun (LU).

Art. 2 Cumpetenzza da survaglianza e d'execuziun

A la suprastanza cumünala suprastà da survagliar las gestiuns d'ustaria e d'exeguir la ledscha d'ustaria chantunala e cumünala.

II. PERMISS

Art. 3 Dumonda da permiss

La dumonda pel permiss d'ustaria ha da gnir inoltrada a la suprastanza cumünala almain ün mais avant co drivir o surtour üna gestiun o avant co realisar ün'occurrENZA.

La dumonda sto cuntgnair las seguaintas indicaziuns:

- a) las persunalias e l'adressa da la persona chi dumonda il permiss
- b) la designaziun exacta da la gestiun o da l'occurrENZA
- c) la designaziun exacta d'eventualas gestiuns secundaras
- d) la dürada giavüscheda dal permiss

A la dumonda esa d'aggiundscher:

- a) ün extrat dal register penal
- b) la conferma suottascritta dad avair cugnuschentscha da las ordinaziuns correspondentas da la ledscha d'ustaria chantunala e cumünala.

Art. 4 Concessiun d'ün permiss

Il permiss vain concess in scrit avant ch'üna gestiun vain drivida o surdatta o avant ch'ün'occurrENZA vain realisada, quai a cundiziun cha las premissas legalas sun accumulidas.

l' l' permiss sto gnir indichà il nom dal possessur da la gestiun sco eir il caracter da la gestiun e las localitats ingio cha la gestiun vain manada o l'occurrentza realisada.

Il permiss po gnir collià cun pretaisas, specialmaing davart il dret d'access e las uras d'avertüra, cun cundiziuns per proteger la giuventüna sco eir cun pretaisas da protecziun cunter canera.

Art. 5 Permiss special per ün müdamaint da la gestiun

L'interrupziun da la gestiun, la müdada dal gener da gestiun, l'ingrondimaint considerabel da la gestiun, il spostamaint da la gestiun sco eir mincha müdada importanta da la gestiun d'ustaria chi'd es gnü acconsenti, bsögna ün permiss special.

Per la dumonda valan las prescripziuns confuorm al sen da l'acconsentimaint dal prüm permiss.

Art. 6 Permiss pel commerzi in detagl cun auas destilladas, cumpetenzza

Dumondas d'ün permiss pel commerzi in detagl cun auas destilladas e la vendita da talas stögljan gnir inoltradas a temp cul formular ufficial a l'uffizi chantunal per economia e turissem. Quai ha da succeder avant co cha la gestiun vain dividida o surtutta o ch'ün'occurrentza vain realisada. Il formular po gnir retrat in chanzlia cumünala.

III. URAS D'AVERTÜRA

Art. 7 Uras d'avertüra per gestiuns singulas

Per gestiuns singulas obain occurrenzias po gnir fixada ün'ura d'avertüra o restretta ün'ura d'avertüra existenta, premiss cha quai fa dabsögn per proteger la giuventüna sco eir per mantegner la quietezza, l'uorden e la sgürezza publica.

Art. 8 Prolungaziun da l'ura d'avertüra

Schi sun fixadas uras d'avertüra generalas o uras d'avertüra per dis chi sun definits per activitats d'ustaria, lura pon quistas excepziunalmaing gnir prolungadas o abolidas. La dumonda ha da gnir inoltrada a temp in scrit e motivada.

Art. 9 Limita da toleranza per l'ura d'avertüra

Ils giasts d'üna gestiun o d'ün'occurrentza cun uraris d'avertüra limitats han da bandunar las localitats infra 30 minuts davo cha'ls uraris d'avertüra permiss sun spirats.

Dürant il termin da toleranza esa scumandà da servir spaisas e bavrondas.

IV. TAXAS

Art. 10 Taxas da permiss

Per conceder ün permiss vegnan inchaschadas las seguaintas taxas:

a)	per gestiuns d'ustaria	fr. 100.--	fin	fr. 500.--
b)	per occurrenz	fr. 50.--	fin	fr. 300.--
c)	per müdadas dal gener da gestiun	fr. 50.--	fin	fr. 300.--

Per fixar las taxas i'l singul cas esa da resguardar adequatamaing ils cuosts administrativs sco eir l'interess e la productivà economica dal possessur da la gestiun chi'd es oblià da pajar la taxa.

Art. 11 Taxas per otras funcziuns officialas

Per ulteriuras funcziuns officialas, sco controllas extraordinarias da singulas gestiuns o occurrenz, vain inchaschada üna taxa da fr. 100.-- fin fr. 1'000.--.

V. DISPOSIZIUNS EXECUTIVAS E FINALAS

Art. 12 Disposiziun da multa

Cuntravenziuns cunter quista ledscha sco eir cunter la ledscha d'ustaria pel chantun Grischun vegnan punidas da la suprastanza cumünala cun multas da fin fr. 5'000.--, premiss chi nu vegnan applichadas disposiziuns penalas chantunalas o da dret federal.

In cas d'intenziuns d'inrichimaint nun es la suprastanza liada vi da l'import maximal da fr. 5'000.--.

Art. 13 Multa disciplinara

Chi chi's trategna in üna gestiun o ad ün'occurrenza plü lönch co fin a las uras d'avertüra permissas, ha da pajar sül lö üna multa disciplinara da fr. 20.--.

Scha'l pajamaint vain refüsà, vain ordinada üna multa tenor l'art. 12 da quista ledscha.

Art. 14 Dret da recuors

Il dret da recuors cunter disposiziuns da la suprastanza cumünala as drizza tenor la legislaziun chantunala.

Art. 15 Disposiziuns transitorias

Ils permiss per gestiuns d'ustaria chi sun gnüts concess avant l'entrada in vigur da quista ledscha restan eir inavant valabels, quai uschè lönch cha la persuna autorisada maina la gestiun i'l medem rom. Proceduras chi sun pendentas al mumaint da l'entrada in vigur da quista ledscha ston gnir trattadas tenor il nouv dret, quai uschè lönch cha'l vegl dret nun es plü favuraivel.

Art. 16 Entrada in vigur

Quista ledscha aintra in vigur als 1. schner 2010. Ella rimplazza tuot las prescripziuns chi cuntrafan a quista ledscha.

Acceptà dal pövel illa votaziun a l'urna dals: 20.12.2009

Cumün da Val Müstair,

Il president, Arno Lamprecht

Il chanzlist, Not Manatschal